



Republika e Kosovës
Republika Kosova – Republic of Kosovo

ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Psh. nr. 142/22

Në bazë të nenit 105 pika 1 dhe 2, nenin 108/A të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/ L-068, i plotësuar dhe ndryshuar me Ligjin 05/ L-092, nenin 4 i “Rregullave të paraqitjes së Kërkesës për Rishqyrtim pranë Autoritetit Kontraktues, parashtimit të ankesave pranë OSHP-së, dhe vlera e tarifave të ankesave”, si dhe nenin 17 paragrafi 3 të Rregullores së Punës së OSHP-së nr. 01/2020, me numër të protokollit 83/2020, pas shqyrtimit të ankesës së OE “Ardi & Ari” shpk me seli në Prishtinë, lidhur me aktivitetin e prokurimit “Furnizim me pllaka qosteruese dhe sprej kundër korozion” me numër te prokurimit KEK- 22- 4232-1-3-6, iniciuar nga AK- Korporata Energjitike e Kosovës KEK sh. a, Kryesuesi i Sekretariatit të Organit Shqyrtues të Prokurimit z. Ardian Behra me datën: 19 maj 2022, mori këtë:

VENDIM

- I. **Hedhet si jashtëafatshme**, ankesa e OE “Ardi & Ari” shpk me seli në Prishtinë, me nr. të protokollit 142/22, e datës 13 maj 2022, lidhur me aktivitetin e prokurimit: “Furnizim me pllaka qosteruese dhe sprej kundër korozion” me numër te prokurimit KEK- 22- 4232-1-3-6, iniciuar nga AK- Korporata Energjitike e Kosovës KEK sh. a.
- II. **I LEJOHET**, autoritetit kontraktues – Korporata Energjitike e Kosovës KEK sh. a

që të vazhdoj më tutje, me procedurat e prokurimit lidhur me aktivitetin e prokurimit: "Furnizim me pllaka qosteruese dhe sprej kundër korozion" me numër te prokurimit KEK- 22- 4232-1-3-6.

- III. Në përputhje me nenin 31 pika 4, të Rregullores së Punës së OSHP-së operatorit ekonomik ankues i kthehet tarifa e ankesës në shumën e deponuar me rastin e parashtimit të ankesës. OE ankues obligohet që konform nenit 31 pika 6 të Rregullores të Punës së OSHP-së, në afat prej gjashtëdhjetë (60) ditësh të bëjnë kërkesë për kthim të sigurimit të ankesës, në të kundërtën iu bëhet konfiskimi i depozitës, dhe këto mjete kalojnë në Buxhetin e Republikës së Kosovës.

ARSYETIM

Organi Shqyrtues i Prokurimit, në sistemin elektronik me datë 13 maj 2022, ka pranuar ankesë nga OE "Ardi & Ari" shpk me seli në Prishtinë, për aktivitetin e prokurimit me titull: "Furnizim me pllaka qosteruese dhe sprej kundër korozion" me numër te prokurimit KEK- 22- 4232-1-3-6.

Operatori ekonomik "Ardi & Ari" me seli në Prishtinë, me datën 06. 05. 2022 ka pranuar njoftimin e AK-së Letër Standarte, me datën 12 maj 2022 në ora 10: 58h i njëjti ka parashtruar kërkesë për rishqyrtim në autoritetin kontraktues. Autoriteti kontraktues me datën 12. 05. 2022 ka refuzuar kërkesën për rishqyrtim te operatorit ekonomik ankues.

Organi Shqyrtues i Prokurimit pas analizimit të lëndës, sqaron se ankesa e operatorit ekonomik ankues është jashtë afatit ligjor për parashtrim, për faktin se e njëjta është parashtruar në kundërshtim me nenin 108/A dhe nenin 4 pika b) të Formularit F03 ku thuhet se:

- B) Kurdo qe kërkesa për rishqyrtim ka te beje me vendimin për dhënie të një kontratë ose te një konkursi te projektimit brenda afatit prej **pesë (5) ditëve pas datës së njoftimit për dhënien e kontratës ose njoftimit mbi rezultatet e konkursit te projektimit që i është dërguar ankuesit.**

Pra, në pajtim me nenin 108/A dhe sipas nenit 4 par b) të Rregullave për paraqitje të kërkesës për rishqyrtim pranë autoritetit kontraktues, parashtrimit të ankesave pranë OSHP-së, dhe vlera të tarifave të ankesave kërkesa për rishqyrtim është e jashtë afatshme sepse është dërguar jo ashtu sic parashihet në nenin 4 pika a) se paku 5 ditë para hapjes së ofertave, ndërkaq operatori ekonomik ka parashtruar kërkesë për rishqyrtim në ditën e 6 kalendarike. Data 06 maj 2022 është dita zero, me datën 09 maj 2022 ka qenë ditë pushimi. Data 11 maj 2022 ka qenë dita fundit për parashtrim të kërkesës për rishqyrtim, ndërsa OE ka parashtruar kërkesën e tij me datën 12 maj 2022, në ditën e gjashtë, pra, kërkesa për rishqyrtim është parashtruar jashtë afatit ligjor.

Duke u nisur nga sqarimet e dhëna si më lartë, OSHP konstaton se ankesa e parashtruar nga OE “Ardi & Ari” shpk me seli në Prishtinë, është e jashtëafatshme andaj edhe e njëjta nuk mund të shqyrtohet.

Kryesuesi i Sekretariatit të OSHP-së, duke u bazuar në atë që u tha si më lartë, vendosi si në diapozitiv të këtij vendimi.

KËSHILLË JURIDIKE:

Kundër këtij vendimi nuk është e lejuar ankesa, por pala e pakënaqur me kërkesëpadi mund t’i drejtohet Gjykatës themelore-Departamentit për çështje Administrative në afat prej 30 ditësh nga data e pranimi të këtij vendimi.

Vendimi t’i dorëzohet:

1x1 AK – KEK sh. a

1x1 OE-“Ardi& Ari” me seli në Prishtinë

1x1 Arhivës së OSHP-së;

1x1 Për publikim në ëeb- faqe të OSHP-së

Kryesuesi Sekretariatit të OSHP-së


z. Ardian BEHRA